

REGIONAL NEWS

SEC

Synod Executive Committee nimina thukhawm chuan Mizoram Universal Health Care Scheme chu Synod Hospital leh John William Hospital, Lunglei ah hman a rem ti.

Synod Executive Committee thutkhawma Synod hnuaia damdawiin pahnihah MUHCS hman a remtih anih avang hian Health Minister chuan lawmthu a sawi a, damdawiina mahni sum seng lova in enkawl theihna sawrkar ruahman Mipui Healthcare ah inziak lut theuh turin mipuite a sawm a ni.

Health Miniter chuan tupawh damloh mangan tawh thei vek anni tih sawiin sawrkar ruahman Mipui Healthcare-a inziah luh chu a pawimawh takzet tih sawiin mipuiten mahni awmna hnai Sub-Centre emaw online hmangin inziah luh tur ani tih a sawi.

MUHCS hotute sawi danin vawiin thleng khan Mizoram Synod damdawiin pahnih tiamin Mizoram chhunga Private damdawiin 15 ten Mizoram Universal Health Care Scheme an zawm tawh a, hei hi za zela 40.62 niin a bak private damdawiin dang nen hian inbiakna kalpui mek a, a ni.

Synod Executive Committee hian Jordan Centre, Sethawn ami enkawl tura Mizoram sawrkarin a sawmna chu ngaihtuahin Synod inkhawmpuia thlen turin thuthlukna a siam a ni.

<><><>

CM

Chief Minister Pu Lalduhoma chuan nizan khan Mizoram tlawha lo zin mek Pi Kathy Giles Diaz, Consul General, US Consulate General, Kolkata chu a kawm a. Mizoram a rawn tlawh avanga lawmthu lo hrilhin hun nuam tak hmang turin duhsakna a hlan.

Pi Kathy Giles Diaz chuan Mizoram chu mawi a tih thu leh rawn tlawh a chak thin thu a sawi a. US ah Mizo hnahthlak tam tak an awm tih sawiin an awmna hmunah khua leh tui tha an ni zel a ti a. Inzawmna tha tak nei an nih avangin Mizoram tlawh a chak zual a ti a, Mizoramah US company te tana Investment kalpui theihna chi a awm a nih chuan a tul anga tanpui a inhuam thu a sawi bawh.

Chief Minister hian, investment lama Mizoram tanpui a inhuamnaah lawmthu hrilhin Foreign Funding hmalakna lam chi reng reng chu Central sorkar remtihna hnuaia kalpui vek a nih thu a hrilh a. Mizo hnahthlak US a cheng an tam thu sawiin Mizoram mipuite zingah US tlawh duh an tam zel avangi n Inpawh taka an thawhho a pawimawh thu a sawi.

<><><>

RASHTRIYA POSHAN MAAH

Women & Child Development, Urban Development & Poverty Alleviation Department, Mizoram Pollution Control Board leh PYD General Headquarters tangkawp chuan vawiin khan Rashtriya Poshan Maah 2025 (National Nutrition Month) & Swachhata Hi Sheva 2025 pualin Women & Child Development 'Say No to Single Use Plastic & Promoting Eco Friendly Alternatives' programme MINECO-ah an hmang a, hnatlang neih chhonzawm niin, MINECO chhehvel an tifai.

Vawiina hun hmanah hian Women & Child Development Department Joint Director Pi Sailopari chuan kalkhawmte lawmna thu sawiin, Rashtriya Poshan Maah, Ei leh in tha leh hriselna chungchanga ram pum huapa beihpui thlakna, National Nutrition Month a nih thu sawiin, Ministry level atanga ruahmanna zula India ram State tina hman thin a nih thu leh, faina chu mitin mawhphurna, ram leh hnam tana mimal tinin an thawh theih a nih thu a sawi a. Ram changkang leh hrisel an nih ve theih na atana pawimawh leh mitinin tha an thawh ve theihna a nih thu kalkhawmte a hrilh a, faina leh hriselna kawnga bul tan thatna, thalaite leh ram pum nghawng zel tur a rahbi thar a nih theihna turin kalkhawmte a chah a ni.

<><><>

ECM

Rev RA Lorrain leh a nupui in Mara ram ah kum 1907 September ni 26-ah chanchintha an rawn thlen pui champhaphak pual in vawiin khan Siaha District ah chuan Evangelical Chruch of Maraland Kohran hrang hrang ah urhsan taka 'Chanchintha thlen ni' hman a ni.

Kumin hi vawi 118 na niin Tualchhunga kohhran hrang hrang ten "Chanchintha thiltihtheina" tih thupui hmang in an inkhawm a, Inkhawmah hian Lakher Pioneer Mission (LPM) missionaries te chanchin sawichhuahna pawh neih nghal a ni.

Tun dinhmunah hian ECM Local church 109 awm mek in, Local Church 15 Mizo service a nia, a dang zawngah Mara servce ah hman a ni. Heibakah hian Home Mission enkawlina hnuaia Hindi Service 6 a awm bawk.

<><><>

SWACHHATA HI SEVA

Swachhata Hi Seva hmalakna kal mek hnuaia Faina Hapta hman mekah Akashvani Aizawl thawktute chuan vawiin khan an pisa tifaiin an hnatlang.

Akashvani Aizawl chuan Faina Hapta ah hian "One Day, One Hour, together" tih thupui hmangin vawiin khan an pisa Tuikhuahtlang ami leh Chawnpui Transmitter tifaiin an hnatlang a, staff tam tham tak thawkchhuakin Faina Hapta hi Aizawl pawn station dangah huaihawt a ni bawk.

<><><>

MANN KI BAAT

Prime Minister Narendra Modi chuan tun Pathianni (28.09.2025) chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, tum 126-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>

SEVA PARV

Mipui rawngbawl leh sorkar inrelbawlina tha tih thupui a hmangin Prime Minister Narendra Modi sorkarna hnuaiah kum kalta chhung khan hmasawna kawng hrang hrangin kalpui a ni a.

Tun tum Seva Parv hunah chuan kum 11 chhungin Prime Minister Narendra Modi sorkarna hnuaia hmalakna te han tarlang ila..

Prime Minister Narendra Modi sorkar hmalakna in e-Governance ecosystem hmangin mitin huapzo tur a hmalak niin, ram mipui te tan

hmasawnna leh kawng awlsam a sial sak a, tunlai thiamna ah nasa tak a
ṭhingin, mitin te tan a kawng awlsam, hriatthiam harsa lo leh mitin ban
phak in a kalpui a. Thil lei leh hralh kawng ah te, sumdawnna tenau leh
hmeichhia mahni kutkawih a eizawng te leh sumdawnna bul ṭan tu mi
maktaduai engemawzat tan kawng a hawnsak a ni.

<><><>